

Për emisionin “Drejtësia në Kosovë”



SQARIM

-III- Nr. i prot. 834 Më 13.03.2010  
Br. prot. RAHOVEC - ORAHOVAC

(Projekti i ujit të pijshëm për fshatrat Dabidol, Çifllak, Kramovik,  
Petkoviq dhe Polluzhë të komunës së Rahovecit)

Inicimi i projektit për realizimin e punimeve të fazës së parë përfurnizim me ujë të pijshëm për 5 fshatrat e Anadrinisë (Dobidol, Çifllak, Kramovik, Petkoviq dhe Polluzhë) është bërë në vitin 2010, ku më 2. 8. 2010, pas procedurave të prokurimit është shpallur fitues Kompania “ Alfa. I ” nga Istogu. Me datën 2. 8. 2010 kanë filluar punimet për realizimin e projektit.

Hartues i projektit ka qenë kompania” 3L ING ” nga Prishtina, poashtu edhe mbikëqyrja e fazës së parë të punimeve është bërë nga e njëjtë kompani.

Me datën 19. 8. 2010, Komuna e Rahovecit është njoftuar nga kompania mbikëqyrëse se janë ndërprerë punimet për shkak të pengesave të paraqitura nga banorët e fshatit Bec dhe të fshatrave përreth të cilët kanë penguar punimet afër pikës së kyçjes, e ku janë sulmuar fizikisht punëtorët e kompanisë punë-kryese dhe ka ardhur deri te intervenimi i policisë, edhe përkundër pëlqimit të lëshuar nga KRU “Radoniqi”, më datë 18. 9. 2008. Në këtë situatë, KRU Radoniqi, përfaqësuesit e saj nuk janë paraqitur për të ofruar ndihmë në tejkalimin e problemit me banorët e fshatrave të sipërthëna, Si pasojë e këtij problemi mbeten pa u përfunduar punimet në fazën e parë të projektit për shkak të moslejimit të kyçjes në gypin e ujësjellësit i cili kalon nëpër fshatin Bec.

Kjo protestë e banorëve ka ardhur, mbase për shkak të një frike të tyre, se duke ardhur uji i pijshëm për fsharat e Rahovecit, do të mbisin pa ujë fsharat e komunës së Gjakovës. Kjo ka qenë përshtypja e banorëve.

Më 12. 9. 2010, Komuna e Rahovecit njoftohet nga punëkryesi ALFA I dhe Organi Mbikëqyrës ”3LING” për devijimin e trasesë së gypit për shkak të problemeve pronësore në territorin e komunës së Gjakovës. Po për shkak të problemeve dhe pengesave të krijuara nga banorët e fshatit Bec dhe fshatrave përreth, nuk arrihet të bëhet përfundimi i punimeve, sipas kontratës përfazën e parë.

Ndërsa Inicimi i projektit për realizimin e punëve të fazës së dytë për projektin e ujësjellësit për pesë fshatra ka filluar në vitin 2010, ku më 28. 12. 2010 është bërë nënshkrimi i kontratës për realizim të punimeve në vlerë prej 412,937.20 euro në bashkëfinancim me Ministrinë e Mjedisit dhe Planifikimit Hapësinor, e ku kjo Ministri ka financuar punimet e fazës së dytë të këtij projekti në vlerë prej 150 000 euro. Për realizimin e punëve në të dyja fazat e projektit është bërë vendosja dhe montimi i rreth 37 kilometrave gyp me diametër të ndryshëm. Përfitues i kontratës për fazën e dytë të punimeve ka qenë kompania "ANNEX" sh.p.k. me seli në Prizren.

Hartues i projektit ka qenë kompania "3L ING" me seli në Prishtinë.

Mbikëqyrja e punimeve për fazën e dytë është bërë prej stafit komunal i caktuar me vendim të Kryetarit 01Nr. 1335, i datës 18. 4. 2011 në përbërje prej:

**1. Sylejman Daka, inxhinier**

**2. Vahdet Kadiri, inxhinier dhe**

**3. Selajdin Mazreku, përfaqësues nga komuniteti.**

Bashkëfinancues për realizimin e këtij projekti (faza e dytë) së bashku me komunën e Rahovecit ka qenë Ministria e Mjedisit dhe Planifikimit Hapësinor. Punimet në realizimin e këtij projekti kanë filluar më 2. 5. 2011 dhe përfundimi i punimeve më 24. 8. 2012.

*Shih raportin e organit mbikëqyrës të dt. 24. 8. 2012.*

Me rastin e fillimit të punimeve është kërkuar nga K.R.U. Radoniqi që të dërgojë anëtar për mbikëqyrje dhe më vonë pas përfundimit të punimeve të fazës së dytë, me vendim të Kryetarit të Komunës 01Nr.4894 i datës 20. 11. 2012 është formuar komisioni për pranim teknik në përbërje prej:

**1. Shpejtim Mustafa, arkitekt nga K.K.Rahovec,**

**2. Jusuf Sagdani nga MMPH,**

**3. Përfaqësuesi nga KRU "Radoniqi" dhe**

**4. Përfaqësuesi nga Komuniteti.**

*Shih raportin e komisionit për pranimin teknik i datës 10. 12. 2012.*

Sqarim: me datën 29. 11. 2012 është kërkuar edhe me shkrim nga KRU “Radoniqi” që të dërgojë një anëtar të komisionit për pranim teknik, mirëpo KRU. “Radoniqi” nuk ka kthyer kurrfarë përgjigje, në të dyja rastet duke mos bashkëpunuar fare me KK Rahovec.

Lëshimi i këtij rrjeti në funksionim nuk ka qenë i mundur në fund të vitit 2012, atëherë kur edhe kanë përfunduar punimet, për shkak të pengesave që kanë paraqitur banorët e fshatit Bec dhe fshatrave përreth të Komunës së Gjakovës, të cilët nuk kanë lejuar që të zhvillohen punimet dhe të bëhet kyçja e rrjetit të ujësjellësit, e ku as KRU “Radoniqi” nuk ka shprehur gatishmëri për të bashkëpunuar për tejkalimin e situatës. Është një argument që dëshmon pamjaftueshmërinë e bashkëpunimit të KRU “Radoniqi” me Komunën e Rahovecit, ku kjo e fundit e kishte me interes jetik realizimin e projektit përfurnizim me ujë të pijshëm të banorëve të 5 fshatrave.

Pas shumë negociatave është mundësuar kyçja në trasenë tjetër, të re, ku KRU “Radoniqi” përfiton grant nga Qeveria për ndërtimin e një aneksi të stacionit të filtrave. Në vitin 2014 (Smajl Latifi nuk ka qenë kryetar i komunës) është bërë përrurimi nga Kryetari z. Idriz Vehapi (vendi i përrurimit, Dobidol) dhe lëshimi në përdorim i këtij rrjeti të Ujësjellësit, por për tri fshatra: Dobidol, Çifllak dhe Kramovik. “ fshatra (Polluzhë dhe Gur i Kuq) janë vërejtur dëmtimet në sistemin e elektrifikimit, te stacioni i pompave në Sarosh, ku është bërë demolimi gati në tërsi nga ana e personave të pandërgjegjshëm, si dhe është bërë këputja si dhe dëmtimi i tre gypave nga një banor i fshatit Gur i Kuq, ku si pasojë e ka pamundësuar funksionalizimin e ujësjellësit përfshatrat Guri i Kuq dhe Polluzhë.

Pas eliminimit të defekteve të shkaktuara nga persona të pandërgjegjshëm, në vjeshtën e vitit 2017 (fushata parazgjedhore) është bërë lëshimi i ujit të pijshëm edhe përfshatrat Gur i Kuq dhe Polluzhë.

Pas lëshimit të projektit në përdorim në vitin 2014, kompania KRU “Radoniqi” ka bërë lidhjen e fshatit Rakovinë, po në këtë rrjet të ujësjellësit, pa e informuar si dhe as pa kërkuar as Pëlqim ose Leje nga Komuna e Rahovecit përfshirë kyçjen e këtij fshati në të njëjtin rrjet, fshat që nuk ka qenë i paraparë të kyçet. Gjatë vjeshtës së vitit 2017, gjatë eliminimit të një defekti një banor i fshatit Rakovinë i ankohet Drejtorit Teknik i KRU “Gjakova” (Radoniqi) z. Shkodran Gaxherri se presioni i ujit në fshatin Rakovinë është shumë i lartë dhe po paraqet telashe

për banorët e këtij fshati dhe po shkakton defekte nëpër shtëpitë e tyre. Atëherë z. Gaxherri telefonon dikë në KRU “Gjakova” që të kontrollohet presioni i ujit në këtë gyp dhe rrëth dy apo tre muaj pas kësaj ‘ndërhyrjeje’ nuk janë raportuar defekte në këtë gyp, Këtu ne kemi kuptuar, se në këtë rrjet të ujësjellësit ishte lidhur edhe fshati Rakovinë i Komunës së Gjakovës, i cili nuk ishte planifikuar me këtë projekt.

Sqarim: *Sipas kësaj del se presioni i ujit ka qenë më i madh se sa presioni i planifikuar me projekt ku për të mbërritur uji edhe në Rakovinë, është dashur të rritet presioni i ujit që të ketë ujë edhe për pjesët e ngritura të fshatit Rakovinë. D.m.th. Dobidoli dhe Çifllaku janë në pika më të ulëta se sa Rakovina. Ky mund të ketë qenë shkaktar i dëmtimit të gypit kryesor Dobidol-Çifllak (900 m).*

\*\*\*

Në janar të vitit 2018 jemi informuar se KRU “Radoniqi” ka filluar punimet në ndërrimin e gypit ekzistues i cili ka diametër Ø 250 mm me presion 10 bar, duke bërë montimin e gypit tjetër me diametër të njëjtë (Ø 250 mm), mirëpo me presion prej 16 barësh, për shkak të dërgimit të ujit në fshatin Rakovinë të komunës së Gjakovës (mund të ketë edhe ndonjë fshat tjetër), të cilat nuk kanë qenë të parapara me këtë projekt. Për ndërrimin e gypit ekzistues dhe zëvendësimin me gypin tjetër që ka presion më të madh, nuk kanë kërkuar leje nga Komuna e Rahovecit. Pra, KRU “Gjakova”, pa bërë pranim-dorëzimin e projektit nga Komuna Rahovecit, ka vendosur që të ndërmerr veprime ndërtimore, duke bërë ndërrimin e gypit pa leje dhe pa pëlqim prej Komunës së Rahovecit, në gjatësi rrëth 900 metra.

KRU “Gjakova”, pa kurrfarë baze vjen në përfundim se, gypi i vendosur në vitin 2012 është i kualitetit jo të mirë, duke mos kërkuar nga Komuna e Rahovecit që të formoj një komision të përbashkët në mënyrë që të konstatohet cilësia e gypit të vendosur në vitin 2012. Pra, në mënyrë të njëanshme KRU “Gjakova”, del me konstatime, se gypi i vendosur është i kualitetit të dobët dhe jo sipas projektit. Ose, nëse KRU “Gjakova” ka formuar ndonjë komision për verifikimin e cilësisë së gypit, pse nuk është ftuar dikush nga Komuna e Rahovecit që të merr pjesë në verifikimin e kualitetit të gypit!?

Mendohet se K.R.U. “Gjakova” përfiton Grant nga CDF – i për investime, ndërsa në anën tjetër kërkon nga Komuna e Rahovecit pagesë për investimet e bëra në ndërrimin e gypit.

Funksionimi i rrjetit të ujësjellësit në tri fshatra ka qenë në rregull në vitin 2014 kur është bërë lëshimi në përdorim i këtij projekti, pérderisa nuk ka pasur ashpërsim nga presioni i rritur në gypin Ø 250 mm dhe me presion 10 bar.

Të gjitha punimet në këtë projekt janë realizuar sipas para-masës dhe projektit të hartuar nga kompania projektuese “3L ING”.

Për cilësinë e gypave dhe materialit tjeter të përdorur në këtë projekt, organi mbikëqyrës është bazuar në punën e realizuar në terren dhe në atestet e materialeve të sjella nga kompania punëkryese (ANNEX, SHPK) e cila i ka realizuar punimet në këtë projekt.

Këto ateste kompania punëkryese i ka siguruar nga kompanitë prodhuese prej të cilave është bërë furnizimi me material përkatës. (shih atestet, i keni në komunë)

Për hir të së vërtetës dhe në të mirë të opinionit publik, e gjithë kjo paAqartësi ka mundësi të sqarohet fare mirë dhe drejtë.

*Vërejtje: Për ta sqaruar deri në fund të vërtetën rreth këtij projekti, jemi të gatshëm në çdo kohë.*

Me respekt,

Drejtoria e Shërbimeve Publike

Komuna e Rahovecit

Më: 13 mars 2018

